

Date – 02/07/2025

Time - 18:30 -18:40Hrs

**AKASHVANI AIZAWL**

**REGIONAL NEWS BULLETIN**

**HEADLINES ( EVENING )**

1. Mizoram State BJP President thar Dr. K. Beichhua an BJP Mizoram in a tum ber chu Viksit Mizoram siam a, Mizoram tih hmasawn a ni a ti.
2. Chief Minister Pu Lalduhoma'n vawiin khan a pisa ah Aizawl City Local Council Association hruaitute kawmin Aizawl khawpui ralmuang zawka siam dan tur a sawipui.
3. Mizoram Universal Health Care Scheme kalpui a nih hnuah ZMC&H tih changtlun hna ngawrh taka kalpui mek a ni .
4. Himachal Pradesh-a ruahsur nasa vanga chhiatna hrang hrang thlengah mi 50 chuang an thi tawh a, mi 20 chuang chin hriat lohvin an awm mek bawk.

<><><>

**BJP PRESIDENT**

Mizoram State BJP President thar Dr. K. Beichhua an BJP Mizoram in a tum ber chu Viksit Mizoram siam a, Mizoram tih hmasawn a ni a ti a, an hma thlir lian ber chu Mizote inpumkhatna siam te, Mizoram chu Christian state a nih anga christianna chawi kan a venhim tlat chu Mizoram BJP thil tum a ni a ti.

Dr. K. Beichhua hian vawiin khan chanchinbu mite Atal Bhawan, Aizawl ah a kawm a, BJP chuan Mizoram chu a hniam ber atanga chak taka thuam that a tum bakah thingtlang lamah pawh unit din belh zel an tum thu a sawi a, Mizoram a BJP party chu kristianna dodal tu party ni a miin an sawi thin chu a dik tawklo a, BJP chu developmental vision nei a hma la mek tu party a ni zawk a ti.

**(BYTE)**

BJP State President thar chuan, tun dinhmunah Mizoram BJP ah Unit 327 an awm mek thu sawiin member in enroll pawh an pun belh zel a ti a, mi sing 7 vel member in ziaklut an awm tawh a ti.

Dr K Beichhua chuan Assembly inthlan hnukung berah khan sawrkar laipui hruaitu ten Mizoram an lo tlawh tumin, Mizoram mamawh thlen turin

an ti a, an demand siam pawh MLA a seat an chan chuan an tih hlawhtlin sak tur thu an intiam tih sawiin, sawrkar laipui in tiamna bawhzui a Special assistance MADC tan dilna an thehlut a, Sawrkar laipui hotute pawhin a hmun ah ngei an tlawh hnuah Project sawm chuang siam a DPR pawh an thehluh nghal thu a sawi a, heng zingah hian Project paruk cheng nuai sang sarih man hu vel chu PMJVK kaltlangin approved a ni tawh a ti a. Heng project implementing agency tur chu MADC a ni dawn a ti.

Heng bakah hian 6 Schedule amendments North Eastern State Autonomous council ten an demand chu tih hlawhtlin niin committee pawh din nghal a nih thu he hun ah hian Dr K Beichhua chuan a sawi.

He hunah hian, State sawrkar a BJP a sawrkar loh avanga miin state sawrkar a hrek thin anga sawi thin chu a hriat ve loh thu Dr K Beichhua chuan a sawi a, Mizoram ah development a chhiat chuan ram hruaitu anih angin a tuartu a nih ve tho tur thu leh State sawrkar ah chuan tupawh sawrkar se development ah hrek tura hma alak loh tur a sawi a. Hetih laiin sawrkar laipui zawmpui -alliance state ah te erawh chuan hmasawna chu a zuanin a zuang a ni a ti a, Mizoram erawh chu Sawrkar laipui alliance state anih ve chiah loh thu a sawi a ni.

<><><>

## UD&PA MEETING

Urban Development & Poverty Alleviation (UD&PA) Minister Pu K. Sapdanga hovin Aizawl khaw chhunga chawhmeh zuar, kawngkama thu thinte thutna tur hmun rem zawk chungchang ngaihtuahin Minister pisa-ah thutkhawm a ni.

Vawiin thutkhawmah hian Tennis Court bul kawngkama chawhmeh zuara thu thinte harsatna sukian tur leh an thutna tur hmun dang ngaihtuah turin Working Committee din ni se tia rel a ni a. Convenor-ah Municipal Commissioner- AMC bakah Aizawl DC, Aizawl SP leh Traffic SP te member atan ruat an ni a. An ni hian Aizawl khaw chung veng hrang hranga chawhmeh zuara kawngkama thu thinte traffic ti buai lo leh felfai zawka an thut theihna tur hmun an ngaihtuah dawn bawk a ni.

He hunah hian Aizawl khawpui chhung kawngpui kam leh footpath-a chawhmeh pho leh zawrh chhuah thin chuan lirthei chetvelna a tihbuai mai bakah mihring kalna tur a dal thute, kawng a chep pah avanga lirthei khalhtute, kawng sira thute leh kawnga kalte tan pawh a him loh thute tarlan a ni a. AMC in veng hrang hranga market a sakte pawh luahkhah loha an awm mek thute tarlan a ni bawk.

He hunah hian AMC Mayor Pu Lalrinenga Sailo, Deputy Mayor Pu R. Thanglura, Commerce & Industries Commissioner Dr. Lalzirmawia Chhange, UD&PA Secretary Pu Lalmalsawma Pachuau, Information & Public Relations Secretary Pi Betsy Zothanpari Sailo leh official dangte an tel a ni.

<><><>

CM

Chief Minister Pu Lalduhoma'n vawiin khan a pisa ah Aizawl City Local Council Association hruaitute kawmin Aizawl khawpui ralmuang zawka siam a pawimawh thu a sawi.

Chief Minister hian Aizawl chu hmun ralmuang taka siam tul a tih thu sawiin Tleirawl rual, midang sual rawn ching te an awm nia a hriat thu sawiin tihtawp a tul thu a sawi a, khawlai chu zurui emaw buaina siam chingte lakah fihlim se a duh thu sawiin Nunau leh hmeichhe tan pawha hmun ralmuang taka siam a ngai a ti a, Local council ten mahni area theuhah, tlawmngaipawlte nena tang tlanga hma la turin a ngen tih sawiin ILP dan lek kawh kawngah Local Council te tanpuina an mamawh thu sawiin No Objection Certificate pekchhuah kawngah fimkhur turin a hrilh bawk.

Local Council Association hruaitute hian an lawmman tihsan chungchang leh Aizawla an office hmun ve tur te Chief Minister hi an sawipui a. Chief Minister hian an dilna te a lo zirchiansak tur thu a chah a ni.

Local Council Association hian Chief Minister Relief Fund-ah cheng sing khat an chhunglut nghal a ni.



## CHAWNGTE PROTEST

Chawngte a tlawmngai pawl in zawm khawm Joint NGO chuan tun hnaia Chakma Autonomous Dist Council huamchhunga hnalak chungchangah dikna aiin Politics inrawlhna avangin harsatna a thleng mek a ni an ti a, hemi chungchangah sorkar nen tha taka inbiakna a kal theih loh avangin vawiin khan zirna In te an khar.

Joint NGO thuchhuah tarlan danin kumin May 19 – 23 inkar chhunga Block Resource Centre, Kamalanagar, Chawngte (CADC area bik tân) a thawk tûr Samagra Shiksha, Mizoram Foundational Stage Helper leh PM SHRI Music Instructor, Sports Instructor leh Hindi Instructor tûr Interview kaltlanga lâk chungchângah Joint NGO Chawngte chuan diklo taka hnalâk a awm ngeia a hriatna an nei a, interview Board member te pawhin dik tak leh fair taka a thiam leh phû te ngêi lâk an tum laiin, CADC ZPM District Headquarters President, Pu Karan Dewan, leh a thawhpui te'n he hnalâkah hian an duhsak zâwngte hnaa lâk an nih theih nân party chakna hmangin hma an la a, Recommendation List siamin Interview Board member te hnênah an duhsak zawng la tûrin Recommended List an thehlût a, an recommended list za a za titling tûrin an nawrlui zui bawk a ni.

ZPM Party, District Headquarters, CADC hruaitute chuan an duhsak zâwng za a za la tûr leh chutiang an tih loh chuan transfer an nih tûr thu thleng a ÷awngkâa Board member an lo vau tawhna bawhzuina nia ngaih theih tûrin Pi Juhnee Chakma, Interview Board Member Secretary, BRC, Kamalanagar, Chawngte-a attached a awm mêk chu June 25 khân a post ngaia awm tûrin Repatriate Order tihchhuah anih thu an sawi a, Joint NGO Chawngte chuan Pi Juhnee Chakma Transfer anih dânah hin thil dik lo a awm ngei a ni tih a hria a, Interview Board member te ngêi pawhin an chhia leh ÷ha hriatna hmang ngam lo khawpa Political Pressure an nei a ni an ti.

Joint NGO Chairman, Pu Joseph Lalchhingpuia chuan Pi Juhnee Repatriate order chu sut turin Mizoram Sorkar an ngen thu sawiin, vawiin thlengin thu lawmawm chhanna an dawn loh avanga lungawilohna lantir an nih thu a sawi.

Vawiin a Joint NGO te hmalaknaah hian Sorkar school 23 leh Private school 12 a zirlai 6123 in vawiin khan zirna an chhonzawm thei lova, chawhma chung school kawta an ven hnuah boruak muanawm tak hnuaiiah Joint NGO te hi an tin ta a ni.



## AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.



## ZMCH

Mizoram Universal Health Care Scheme kalpui a nih hnuah Zoram Medical College & Hospital (ZMC&H) tih changtlun hna ngawrh takah kalpui mek a ni a, vawiin khan Health Minister Pi Lalrinpuui an hmalakna hrang hrangte a endik a ni.

Health Minister chuan Medicine Ward, khum 26 awmna chu naktuk a nih loh pawhin a hma thei ang bera hman hman tan nghal ni se a ti a, Gynaecology Ward, khum 10)awmna pawh hman tan nghal a nih tur thu a sawi baw.

Cabin 10 awm thinah MUHCS kalpui a nih hnuin Cabin 10 hawn belh a lo ni tawh a, vawiin vek khan cabin 10 dang hawn belh leh niin Cabin 10 dang leh pawh hawn leh thuai tura ruahman nghal a ni.

Orthopaedic Ward khum 26 awm thinah khum 30 dah belh a ni a, Nausen pianghlim enkawlna, Neonatal Intensive Care Unit (NICU) pahnih (2) hawn a ni baw a, a hmaa lo awm tawh sa nen tun dinhmunah NICU hi pariat (8) a awm mek a ni.

Pediatric Intensive Care Unit (PICU) leh Integrated Care Unit (ICU) awm tawh bak hawnbelh tum mek a ni a, Inzaina hawn belh tum a nih baw a ni.

Thawktu indaih lohna puhru turin MUHCS Multitask Worker mi 20 leh Casual Nurse 64 lak thar an ni tawh a, heng bakah hian Junior Resident (JR) lakna tur buaipui mek a ni baw.



## HIMACHAL MONSOON HAVOC

Himachal Pradesh-ah ruahsur nasa vangin chhiatna hrang hrang a thleng a, hriat theih chinah mi 51 an thih tawh bakah midang za chuangin hliam an tuar a, mi 21 chin hriat lohvin an awm mek bawk. Leimin vangin inkalpawhna kawng tam tak a ping a, district engemawzatah tui in tur leh kawlpheha supply a mumal lo bawk a ni.

Akashvani Corr sawi danin, darkar 48 kalta chung khan ruahsur leh leiminin state chungah chhiatna nasa tak a thlen a, a tuar nasa ber Mandi dist-ah mi 5 an thih bakah mi 15, chin hriat lohvin an awm mek a, leiminin chenna in 12 leh bawng in 12 a hnawl chhia a ni. State pumah leiminin motor kawng 406 a hnawh ping a, electric transformer 1515 leh tui in tur pek chhuahna 171 a chhe bawk a ni.

